

Anticipando apertura di e terminal nobo di check-in pa Merca



Aeropuerto di Aruba tabata anfitrión di bishita di prensa

DEN cuadro di e preparacion p'e proximo apertura inicial di e U.S. Check-In Terminal nobo na Aeropuerto Internacional Reina Beatrix, Aruba Airport Authority N.V. (AAA) a yama bonbini n'e miembronan di prensa local pa un bishita exclusivo n'e sitio. E tour aki a ofrece un bista paden di e sala di check-in di ultimo generacion y e sistema avansa di maneho di ekipahe, un factor clave di Fase 1A di e proyecto Gateway 2030.

E evento a inicia cu informacion y diferente presentacion riba e proyecto Gateway 2030 y e preparacionnan extenso p'e apertura di e terminal, duna pa Barbara Brown, Chief Revenue Development & Communications Officer; Gilbert Rafael, Chief Development & Technology Officer; y Marylou van der Linden, Operations Manager. Despues di esaki, Julian Chung, Project Executive, a dirigi un tour door di e sistema nobo di maneho di maleta, resaltando su caracteristicanan avansa diseña pa haci e experiencia di e pasahero uno mas eficiente.

Agenda di apertura

E apertura ta programa pa dia 8 di april 2025, na momento cu Delta, United, Southwest y Spirit lo cuminsa cu su operacionnan den e sala nobo di check-in. E transicion completo, incluyendo JetBlue y American Airlines, lo tuma luga dia 29 di april 2025, marcando un logro grandi den e esfuersonan di e modernisacion di e aeropuerto. Pa fin di luna di mei, tur pasahero cu ta bay Merca lo beneficia di e proceso di check-in simplifica, eliminando e necesidad pa piki of entrega e maletanan despues di screening di U.S. Customs and Border Protection (CBP) y e controlnan secundario di seguridad.



Mientras cu e transicion ta acercando, Aeropuerto di Aruba lo ta comunicando activamente cu e pasaheronan pa medio di diferente plataforma pa garantiza cu nan sa unda pa bay y kico nan por spera. Informacion detaya, incluyendo indicacion y actualisacion riba medionan social lo guia e biaheronan den e proceso nobo di check-in, garantizando un experiencia suave y sin stress.

Faltando apenas algun dia p'e apertura, Aeropuerto di Aruba ta finalizando cu e preparacionnan pa garantiza un transicion eficiente p'e aerolineanan como tambe p'e pasaheronan. E proyecto Gateway 2030 ta keda un testimonio di e vision cu aeropuerto tin pa ofrece un experiencia di biahe di clase mundial mientras ta mehora eficiencia y sostenibilidad.

Subi www.airportaruba.com pa mas informacion of sigui nos riba nos medionan social.

START YOUR DAY IN PARADISE

20% off for locals*

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

*Offer is valid for local residents with a local ID. Limited to a maximum of 30 persons. Bottles are not included in this offer.

Hilton
ARUBA CARIBBEAN
RESORT & CASINO